

Тосхлтин кӧдлмш Хар-газрт

КПСС-н ЦК-н болн СССР-н Министрмү-дин Советин гаргъсн, амтн бӕӕх гермүд орн-нутгтан бӕрхиг элвӕхин туск тогтавр болх-ла, манд—тосхачирт, терүг кӱцӕлгън шиш-лнӕ эрки тӧрмдн болджана. Гарсн тогтавр болхла—кӱч-кӧлсч улсин сӕ хӕӕдж, ирх 10—12 джилд кӧдлмшч улс дулан, цевр-цер, сарул-сӕӕхн гертӕ болтха, кӧдлмшч улс бӕӕдг герӕр бичӕ тӱртхӕ гидж зааджана.

Тер тоотиг кех-кӱцӕх улс бидн болджана-вдн. Мана тосхлтин 3-ч участок болхла, 1951 джил Черноземельск района центр—Комсомольск бӕрх болдж бӱрдӕгдсн. Эн ахр цагин дотр Комсомольск урднӕ бӕӕсн „Красный Камышанник“ гидг гурвхн гертӕ колхозин селӕнӕс, сӕӕхн гидг, неджӕгъӕд, хоша-гъӕд давхр нег иджл, ӧдгӕ цагин зокалар бӕргдсн гермүдӕр элвдждж, Хар-газрин ик центр болв.

Тӱрӱн ирхдӕн палаткд бӕӕлддж, гермүд босхад, зуна ганьгдчн, ӱвлин киитилчн зог-сл уга кӧдлмш кегъӕд йовсн йовдлин аш болджана.

Ганцхн эн джилин дотр Каспийскд 288 сургъульчнр сурх школ, Прудовск МЖС-г больниц, Комсомольскд 8-д пӕтртӕ хошад давхр хойр гер, дӧрвӕгъӕд пӕтртӕ амтн бӕӕдг хойр гер амбулатор тӧгсӕдж, эдллгънд ӧгвдн. Эн сарин дотр бидн райо-на кӱцӕгч комитетин Советин гер болн Алдр Октябрин 40-ч джилин ӧбндрайона больниц кедж дуусх-вдн. Дакад болхла, Кумск селӕнд школ болн Адыкт клуб хӧдтн хавртан бӕрдж тӧгсӕхвдн.

Тер тоот кӱцӕх тӧрт специалистнр керг-тӕ болад, кех зӧвтӕ кӧдлмш зогсн гигъӕд бӕӕхлӕнӕ, тӧрсн газрун хӕрӱ ирсн хальмг кӱӱкдӕс 10 кӱ штукатурин эрдм дастха ги-

гъӕд, 3 сара сургъуль секгдв. Ода болхла тер кӱӱкд штукатурмуд болад, Каспийскд бӕргдсн школиг штукатуркинӕ чилӕгъӕд, Адыкт бӕргддж бӕӕх клуб кедж бӕӕцхӕнӕ. Ӱр Манджиева, ӱр Опаева болн нань чигн штукатурмуд шундж кӧдлӕд, 120 процент кӱргдж зурагъан кӱцӕцхӕнӕ. Штукатур Хургунова Тамара болхла, гарсн газрун ирт-лӕн, Хасгин нутгг, ик гидг махна комбина-тин тосхлгд йовсн. Тенд болвчн Тамара ӱзмджтӕ кӧдлмш кедж, мӧрӕлгддж, ханлт авч йовсн. Ода болхла Тамара улм икӕр шундж, зурагъан 130 процент кӱрглж кӱцӕ-нӕ. Дакад болхла шин сурчасн кӱӱкдт дӧнӕ-нӧкд болдж, сургъмджан ӧгнӕ.

Урчудин бригадс (бригадирмүднӕ ӱӱрмүд Буриков, Дорджиев, Коньков болн Коянина) килмджтӕ кевӕр кӧдлдж, даалгъврӕн 1,5 холван кӱцӕцхӕнӕ. Эдн болхла нургълдж амтн бӕӕдг гермүд бӕрлгънд кӧдлджӕнӕ. Те-гӕд чигн эн шунмгъӕ кӧдлдг улс эндр ӧдр онц-онц, у-элвг пӕтртӕ болцхав.

Шофер улс сӕӕнӕр кӧдлснӕс ик тӧр кӱц-нӕ. Эднӕ кедг кӧдлмшнӕ йир кӱнд. Мана управленӕд гидж ирджӕх цуг материалмуд Улан-Хол станцд ирдж буулгъгдна. Тер уч-рар, тедниг 70 гар километрт машигъӕр зӧбх кергтӕ болна. Зӕрмдӕн шофермүд ӧдр-сӧ уга йовцхана. Шофер Бадм-Хаалгъин Андрей машигъӕн цагтнӕ хӕлӕдж, ясдж, зурагъан кезӕчн 1,5 холванднӕ кӱцӕнӕ. Джилин тӱрӱн ӧрӕлд эн 200 килограмм бензи ӕрвлв.

Дарук джил Джилктд камышитовый за-вод, Каспийскд школ болн чолу гаргъдг за-вод бӕрхвдн.

К. ПОГОРЕЛОВ,

3-ч стройучасткин начальник.